

Zdravlje iz  
prirode

**OJAČAJTE KOLJENA I  
RIJEŠITE SE BOLA!**

www.aura.ba

7. SEPTEMBAR/RUJAN 2020. BROJ 414 • GODINA XVI

# aura



• Magazin za zdraviji život • Kultura življenja • Alternativna medicina • Sudbine

**Saga o ljekovitom bilju  
Istočne Hercegovine**




**'ZLATNI RUDNIK'  
ZDRAVLJA I LJEPOTE**

**Tajna  
savršenog  
izgleda  
Sandre Bulok**



**ZA LJEPOTU  
SPOLJA,  
BITNO JE DA  
CVJETATE  
IZNUTRA!**



**Alergije, masnoće, bronhitis, debljina...**

**RAMIZOVE RUKU LIJEČE SVE!**

*Saga o ljekovitom bilju Istočne Hercegovine*

# „ZLATNI RUDNIK“

## ZDRAVLJA I LJEPOTE



O davnina se zna da je škrti hercegovački kamenjar prebogat ljekovitim biljem. Ovdajšnje ljekovite trave rastu skoro pa iz kamena, jer Hercegovina ne nudi puno plodne zemlje i oranica. Ali, međ svojim kamenom, sa preko 300 zvanično evidentiranih vrsta ljekovitog bilja nudi dragocjenu životnu snagu i energiju, ali i dokazanu šansu da jedna zdrava ideja iz male Hercegovine može otići u veliki svijet.

Tu ideju i snagu čuvaju, paze i svojim djelovanjem već dvije decenije usmjeravaju ka čovjeku i njegovom zdravlju, idejni tvorci, uposlenici i kooperanti firme

„Ljebilje“ iz Ljubinja, na čijem čelu se odnedavno nalazi istinski zaljubljenik u prirodu, kršni Hercegovac mr. Božo Boban Vukoje koji je ujedno i predsjednik kompanije. Pored njega upravu preduzeća čine dr Božo Ilić, idejni tvorac i doajen ljekovitog bilja koji je započeo cijelu ovu priču prije 20 godina, kao i Slobodanka Popović, diplomirani agronom i jedan od najvećih poznavalaca tematike ljekovitog bilja na području Bosne i Hercegovine. Iza njih vrijedno stoje i djeluju više od stotinu ljudi, stalno zaposlenih, sezonskih radnika i kooperanata. Kako ističe Vukoje, ono u čemu

Ovo je serijal bajkovitih priča iz Ljubinja, gradića na istoku Hercegovine, o uzgoju i preradi ljekovitog bilja, te načinima kako su lokalni proizvođači prihvatili globalne promjene i izborili se sa izazovima na svjetskom tržištu. Priča u kojoj spajamo istoriju i budućnost, savremeno i tradicionalno, jer svaki preparat brenda „Ljekobilje“ koji nađe svog potrošača širom svijeta, ujedno vuče korijene iz tog oskudjelog hercegovačkog krša. Saznat ćete brojne legende o svakoj travki iz ovog podneblja, njene čudnovate ljekovite moći koje su vrijedni i pametni Hercegovci u svojim savremenim laboratorijama usmjerili ka zdravim i visokokvalitetnim proizvodima brenda „Ljekobilje“ za kojima uzdiše cio svijet...

su svi oni jedinstveni je njihov krajnji cilj: zdrav čovjek i sačuvana priroda.

## Paleta od 250 proizvoda

U sudaru kontinentalne i mediteranske klime, ovo područje karakteriše više od 300 sunčanih dana u godini, pa je tako istočna Hercegovina postala rijedak dragulj u ovom dijelu Evrope i jedinstvena prirodna oaza ljekovitog i aromatičnog bilja i pčelinjih proizvoda.

Stručnjaci „Ljekobilja“ su u cijeloj ovoj priči među prvima u Hercegovini prepoznali šansu i ekonomski potencijal u ljekovitim hercegovačkim biljkama, a posebno u smilju, lavandi, vriješku, žalfiji...

-Višegodišnjim ulaganjem, prije svega u znanje i struku, zaokružen je jedinstven ciklus od proizvodnje sadnog materijala, plantažnog uzgoja sa preko 100 hektara sopstvenih i kooperatoračkih plantaža, otkupa samoniklog ljekovitog bilja pa sve do prefinjene prerade koja vodi do sertifikovane organske proizvodnje pre-



ko 250 visokokvalitetnih proizvoda – kaže nam Boban Vukoje, predsjednik kompanije.

-Cjelokupna proizvodnja naše kompanije se zasniva na jasno definisanim postulatima očuvanja zdravlja i životne sredine, pa u proizvodnom procesu koristimo isključivo prirodne sastojke, bez bilo kakve hemije i dodataka poput umjetnih boja i vještačkih aro-

ma. Takođe, za pakovanje naših proizvoda, gdje god je to moguće, koristimo isključivo prirodne i biorazgradive materijale, stalno misleći na onu koja nam je sve ovo omogućila i podarila – majku prirodu – ističe Vukoje.

## Zlatni rudnik

Ovdje, polako, ali sigurno kreiraju vlastiti biznis i kroz razvoj novih proizvo-

da uzdižu brend „Ljekobilja“ širom svijeta. Iz poduge liste svega onoga što „ubiru“ u Hercegovini, a plasiraju širom svijeta, izdvajamo: proizvodnju etarskih ulja, hidrolata, ulja za masažu i ekskluzivne kozmetike za njegu kože, zatim biljnih ekstrakta/tinktura, čajeva, mirisnih, dekorativnih jastuka i suvenir/vrećica, te na desetine ljekovitih biljnih preparata



*Sjedište preduzeća se nalazi u Ljubinju, malom hercegovačkom gradiću poznatom po vrijednosti i dugovječnosti svojih ljudi. Tu se nalazi centralni proizvodni pogon u okviru kojeg se obavlja rasadnička i plantažna proizvodnja, destilacija, ekstrakcija kao i savremeno opremljena laboratorija za izradu kozmetičkih proizvoda. Proizvodni pogon u Bileći zadužen je za proizvodnju prvoklasnih filter i klasičnih čajeva, kao i naširoko poznatih mirisnih kesica lavande, smilja i ostalog ljekovitog bilja.*

## Smilje, taj divni miris i biljka besmrtnosti!

Priča o smilju, ili kako ga još zovu "immortelle" - novina, (zovu je i „biljkom besmrtnosti“) traje od kako je „svijeta i vijeka“, jer kad dan zamiriše na smilje, a hrana na bosilje ne treba vam ništa više da se opustite i uživete... I tu je „Ljekobilje“ napravilo ogroman iskorak, ponudivši korisnicima brojne ljekovite pripreme na bazi smilja.

Prema najnovijim istraživanjima u svjetskim aromaterapijskim razmjerima istočno-hercegovačko smilje je najcjenjenije. Najviše se izvozi u SAD, Njemačku, Švajcarsku, ali i u Japan, Australiju, skandinavske, te arapske zemlje.

Na svjetskom tržištu cijena eteričnog ulja smilja je skuplja od srebra i kreće se čak i do 1.500 eura. To je i razumljivo, jer je svaka kap ulja smilja „zlata vrijedna“. Naime, ova biljka u sebi sadrži vrlo malo eteričnog ulja, pa je potrebno više od tone biljke da bi se dobio kilogram eteričnog ulja.

Zbog intenzivnog mirisa od obilja eteričnog ulja, smilje se koristi i kao začim i kao lijek. Iako se u funkciji začina koristi rjeđe, može se dodavati jelima od riže, mesa, složencima te slasticama. Jelima daje izrazito jaku aromu, upotrebljavaju se grančice i lišće.

Ova biljka se nerijetko koristi kod liječenja probavnih smetnji, a podstiče i izlučivanje želučanog soka, djeluje prouupalno, pomaže kod nadutosti, bolesti jetre i žučnog mjehura. Pomaže prilikom inhaliranja kod tegoba u disajnim putevima, a eteričnim uljem od smilja mogu se tretirati vene i kapilari, te različite povrede.



koji su efikasna pomoć u liječenju svakodnevnih, ali i onih najtežih oboljenja.

Ono što je posebno interesantno, proizvodnja „Ljekobilja“ je pregledana, potvrđena i sertifikovana od strane organske kontrole, institucije koju priznaje Međunarodni akreditacio-

ni servis. Ne samo da su njihove plantaže i proizvodi organski sertifikovani već su to morali da budu i njihovi sakupljači kao i precizno ograničen prostor sa kojih je moguća berba samoniklog bilja – otkrivaju nam naši domaćini.

Podsjećaju da je ovo po-

dručje još šezdesetih godina prošle godine označeno kao „zlatni rudnik“ ljekovitog bilja.

Primjera radi tadašnje trebinjsko „Ljekobilje“ je po američkim standardima izvozilo hiljadu tona kadulje za SAD. Tradicija postoji, naučnih dokaza o ljeko-

vitosti ovdašnjih travki je sve više, a svijet je gladan čistog, zdravog i prirodnog.

Upravo u ovim saznanjima vrijedne ekipe iz Ljubinja i Bileće su vidjele svoju šansu, ali i prepoznale svoju odgovornost za bolje i zdravije sutra svakog čovjeka.

Naglašavaju da se u razvoju preparata, prije svega vode principima nauke u službi zdravlja, ljepote i mladosti. O tome govore i njihovi brojni sporazumi i saradnja sa renomiranim naučnim institutima u zemlji i inostranstvu sa ciljem adekvatnog razvoja svakog novog proizvoda, kao i kontrole i praćenja cjelokupnog procesa proizvodnje.

- Još od prvog dana prije dvadeset i više godina, naše preduzeće teži ka poboljšanju svih aspekata života kroz očuvanje okoline i zdravljaljudi.

Naš cilj je da sa širokom paletom životno korisnih proizvoda zadovoljimo upravo takve potrebe naših korisnika i da konstantno težimo ka većem i boljem kvalitetu, kako naših proiz-



Snimak dronom na plantaže Ljekobilja iz Ljubinja

voda tako i boljem kvalitetu života u našem društvu.“ - ističe nam osnivač Ljekobilja Božo Ilić.

- U tome, čini se, zaista uspijevaju. Vele da nema jednog jedinog dana da im se neko i odnekud ne javi kako mu je neki njihov proizvod pomogao i riješio mu ovaj ili onaj problem.

Kada bi najkraće predstavili „piramidu uspjeha“ ove hercegovačke „oaze zdravlja i ljepote“, onda se to sve može svesti u slijedeću rečenicu: 20 godina rada, 100 hektara plantaža, 250 proizvoda, 11 država u koje izvoze, 35 projekata, 50 nagrada...“

Kada sve to uzmemo u obzir, nije ni čudo što 60% sadašnje proizvodnje plasiraju u inostranstvo i to na vrlo zahtjevna tržišta Japana, Amerike, Kanade, Rusije, Kine....

Eto najboljeg dokaza da je „Ljekobilje“ istinski primjer kako je moguće i u današnjem lošem privrednom ambijentu dobru ideju pretvoriti u odličan biznis. Ovo je i jedna od rijetkih oblasti gdje je proizvodnja značajno povećana.

Vrijeme kao da radi za istočnu Hercegovinu „zemlju smilja, lavande, bosilja, vina, meda i zdravlja“.

I na samom kraju, pitali smo Vukoja, da li postoji neki njegov favorit među svim tim proizvodima?

- Dilema je zaista velika, ali ako bih morao da biram, to bi bilo između našeg, zlatnom medaljom nagrađivanog „Narodnog čaja“ koji je spravljen od 6 najljekovitih hercegovačkih biljaka i naših ekskluzivnih krema od smilja i lavande koji su ujedno i naši najprodavaniji artikli kojih se ni najzgodnije Francuskinje iz „Šanzelizea“ ne bi postidjele“, uz osmijeh nam reče naš prijatni sagovornik.

*U slijedećem nastavku:  
**LEGENDA O SMILJU,  
LJEKOVITA MOC  
SMILJA.***

## Šta su dobili sa Bobanom Vukojem?

Možda zvuči bajkovito, ali vrijedni i umni ljudi iz Ljubinja i Bileće su se za svoja dostignuća izborili sami. Iako je tek odnedavno zvanični dio Ljekobilja, kako čujemo Boban Vukoje je svojim prekaljenim menadžerskim iskustvom, svojim kontaktima i znanjem sa beogradskih škola i ozbiljnih kompanija u kojima je radio, unio jednu novu energiju i napravio značajan zaokret u planovima i mogućnostima „Ljekobilja“:

- Možda zvuči pretenciozno, ali sačuvaćemo ovaj broj „Aure“ pa ćemo kroz koju godinu vidjeti jesam li bio dobar vizionar ili samo loš optimista. U „Ljekobilje“ sam „ušao“ zbog svoje najveće ljubavi - prirode, mog duga prema Hercegovini i zbog dobrih i vrijednih ljudi koji ovu firmu čine.



Boban Vukoje i Božo Ilić

- A tu sam gdje jesam, ne s namjerom da napravimo iskorak na domaćem tržištu već da sa ovom našom idejom osvojimo svijet. Da pronesemo ime Hercegovine sa naših proizvoda širom svijeta i da se nadmećemo sa najboljima iz ove oblasti, jer oni imaju sve što mi nemamo, ali mi imamo ono ključno što oni nemaju – kamen, sunce i te hercegovačke travke koje život znače.

- Da ne bude zabune, dio tih travki može biti svuda, ali kvalitet naših etarskih ulja koja predstavljaju osnovnu sirovinu za sve naše proizvode je neprikosnoven i jedan od najboljih na cijelom svijetu. Hercegovina je to!

Zatim dodaje:

- O samoj ideji proizvodnje i prerade ljekovitog bilja je bespotrebno trošiti riječi. Danas su i naši ljudi, naročito od ove nesrećne Korone, počeli odvajati posljednju marku da budu što zdraviji, mlađi i dugovječniji. Strani čovjek to već odavno čini. I neće nikada stati, ni jedni ni drugi, samo je pitanje njihovih mogućnosti. Koliko god nekad jeftin bio, naročito na ovim našim oskudnim prostorima, život ipak nema cijenu.